

" মিষ্টি বাচ্চারা - তোমরা যদি মিষ্টি বাবা আর তাঁর মিষ্টি রাজধানীকে স্মরণ করো তাহলে তোমরাও খুব মিষ্টি হয়ে যাবে । "

প্রশ্ন :- তোমরা বাচ্চারা এমন কোন্ পুরুষার্থ করে মনুষ্য থেকে দেবতায় পরিণত হও ?

উত্তর :- তোমরা এখন জ্ঞান মানস সরোবরে ডুব দিয়ে জ্ঞান পরী হচ্ছো , এই জ্ঞান স্নানের দ্বারাই তোমাদের চরিত্রের বদল হবে । তোমাদের মধ্যে যতো অপগুণ আছে সব বের হয়ে যাবে । বাবা আর বিষ্ণুপুরীকে স্মরণ করে তোমরা পবিত্র দেবতায় পরিণত হও । দেবতাদের প্রতি আকর্ষণের মূল কারণই হলো পবিত্রতা । এই কারণেই দূর দূর থেকে থেকে মানুষ অদৃশ্য টানে দেবতার মন্দিরে গিয়ে হাজির হয় ।

গীত :- আমাদের তীর্থ হলো পৃথক ।

ওঁম্ শান্তি । মিষ্টি - মিষ্টি রুহানী বাচ্চারা এই গান শুনেছো । বাচ্চারাই হলো সেই ভাগ্যবান নক্ষত্র । এই গায়নও আছে যেমন জ্ঞান সূর্য , জ্ঞান চন্দ্রমা , জ্ঞান ভাগ্যবান নক্ষত্র । এই সূর্য এবং চন্দ্র তো এই পৃথিবীর স্টেজকে আলোকিত করে , তাই তো (নক্ষত্রের) তোমাদের মহিমা গাওয়া হয় । তোমরাই হলে জ্ঞান নক্ষত্র , ওদের কিন্তু জ্ঞান নক্ষত্র বলা হয় না । জ্ঞান সূর্য নাম শুনে মানুষ ভাবে যে হয়তো আকাশের এই সূর্যই জ্ঞান স্বরূপ কেননা মানুষ ভাবে যে মাটি - পাথর সবার ভিতরেই ভগবান আছে । তাই তারা সূর্যকে খুবই মানে । নিজেদের সূর্যবংশী বলে পরিচয় দেয় । তারা সূর্যের পূজা করে এবং তাদের পতাকাও সূর্যেরই । তোমাদের হলো ত্রিমূর্তির পতাকা । কতখানি আশ্চর্যের বিষয় । এই পতাকায় "সত্যমেব জয়তে" এই কথাও লেখা থাকে । সত্যি সত্যি এই বিশ্বের উপর বিজয় তো তোমরাই প্রাপ্ত করাও । তোমরাই হলে শিব শক্তি পাণ্ডব সেনা । মানুষ নাম রেখেছে ত্রিমূর্তি মার্গ , ত্রিমূর্তি হাউস । বাবা এই কথাও বুঝিয়ে বলেন যে এই ত্রিমূর্তি দিয়ে আমি কোন্ কর্তব্য পালন করি । ব্রহ্মার দ্বারা স্থাপনা .....! মানুষ ত্রিমূর্তির থেকে শিবকে বের (বাদ) করে দিয়ে সেই চিত্রকে খণ্ডিত করে দিয়েছে । এখন তোমরা জানো যে এই ত্রিমূর্তির চিত্রে কি রহস্য আছে । এই কথা সত্যি যে শিববাবা ব্রহ্মার দ্বারা তোমাদের রাজত্ব দেন । আমরা বাচ্চারা আগের কল্পের মতোই শিববাবার থেকে আবার পবিত্রতা , সুখ - শান্তি আর সম্পত্তির রাজত্ব গ্রহণ করছি । এই পড়া কিন্তু ব্রহ্মচর্য অবস্থাতেই গ্রহণ করা যায় । এখন তো কেউ কেউ বিয়ে করার পরেও এই কোর্স থেকে জ্ঞান গ্রহণ করে । কারণ এখানে কামাই তো অনেকই হয় । এখানে তোমাদের আমদানি হল অ-গুণতি । বাচ্চারা জানে যে শিববাবা আমাদের বিশ্বের মালিক বানাতে এসেছেন । বাবার শ্রীমতই শ্রেষ্ঠ - এই গায়নও আছে । বাবার বাচ্চা যদি তোমরা হও তাহলে অবশ্যই বাবার শ্রীমতেই চলবে । ভাই - ভাইয়ের মতে কিন্তু চলবে না । ওই মতে তো অনেক জন্মই চলেছে , তাতে তো কোনো লাভই হয় নি । এখন তোমাদের বাবার মতেই চলতে হবে । সাধু - সন্ত ইত্যাদি সকলেই ভাই - ভাই । এখন বাবা এসেছেন তোমাদের উচ্চ মত দিতে । " প্রাকৃতিক উপায়কেও অনেকে ওষুধ হিসাবে গ্রহণ করে । কিন্তু তা হল অল্প কালের জন্য । আর এ হল ২১ জন্মের জন্য প্রাকৃতিক উপায় । দুনিয়ার মানুষ বলবে ঠান্ডা জলে স্নান করো । এই করো , ওই করো , খাওয়া - দাওয়া সম্বন্ধে সচেতন হও । এখানে ওই খাবার - দাবারের কথা হয় না । এখানে তো মিষ্টি বাবা বাচ্চাদের বলেন যে , আমাকে

স্মরণ করো , তাহলেই তোমরা মিষ্টি হয়ে যাবে । দেবতারা তো কতই সুন্দর , তাঁদের প্রতি মানুষের কত আকর্ষণ থাকে । আগে উঁচু উঁচু পাহাড়ের উপর শিবের মন্দির তৈরী হতো । মানুষ পায়ে হেঁটে ঋণিক দর্শনের জন্য যায়, কেননা পবিত্রতা তাদের টানতে থাকে । দেবতারা যখন পবিত্র ছিলো তখন তাঁরা সমগ্র বিশ্বের উপর রাজত্ব করতো । এখন মানুষ তাঁদের ছবির সামনে গিয়ে বন্দনা আর নমস্কার করে । এখন এই মিষ্টি বাবাকে তো সবাই স্মরণ করে । তাই তাঁকে এখানেই আসতেই হয়। তোমরা অবশ্যই তাঁর থেকে বৈকুণ্ঠের অনেক সুখ প্রাপ্ত করো , তাইতো তোমরা তাঁকে স্মরণ করো । যখন এই রাবণ রাজ্যের শেষ হবে তখনই বাবা এসে তোমাদের স্বর্গের রাজত্ব দেবেন । বাবা আসেনই এই ভারতবর্ষে । শিব জয়ন্তীও এই ভারতেই পালন করা হয়, কিন্তু তার থেকে কি পাওয়া যায় কেউই তা জানে না । বাবা বলেন , আমি তোমাদের বাচ্চাদের মধুর বানাতেই এসেছি । তোমরা কতখানি ছিঃ ছিঃ ( অপবিত্র ) হয়ে গিয়েছিলে । বাবা হলেন জ্ঞানে পূর্ণ , তোমরা এখন তাঁর থেকে এই জ্ঞান প্রাপ্ত করছো । বীজের মধ্যেই ( সুপ্ত অবস্থায় ) সমস্ত জ্ঞান থাকবে --তাই না ? বাবা হলেন বীজ , সত্য স্বরূপ , চৈতন্য স্বরূপ আর জ্ঞানের সাগর তিনি সবসময় সত্যই বলেন । তিনিও হলেন আত্মা, --কিন্তু পরম আত্মা । পরম আত্মা মানে পরমাত্মা । তিনি সবসময় পরমধামে থাকেন । তিনি হলেন উঁচুর থেকেও অতি উঁচু । অনেকেই বলেন যে তিনি নাম এবং রূপের থেকে পৃথক । কিন্তু নাম - রূপের থেকে পৃথক কোনো বস্তুই হয় না । ওনার নাম হল শিব । সবাই ওনার পূজা করেন । শিববাবা হলেন নিরাকার । এখন তিনি এখানে এসেছেন । আগে আমরা দেহ - অভিমানী ছিলাম । এখন বাবা বলছেন বাচ্চারা, আত্মা -অভিমানী হও । গীতাতেও এই কথাই আছে - মনমনাভব । কেবলমাত্র সেখানে শিবের বদলে কৃষ্ণের নাম দেওয়াতে তা খন্ডন হয়ে গেছে । শুধুমাত্র বই পড়লেই রাজত্ব পাওয়া যাবে না । রাজা আর রাজত্ব তো সত্যযুগে হয় । বাবা অবশ্যই এই সঙ্গম যুগেই আসেন । এখন এই অবিনাশী নাটকের নিয়ম অনুসারে ভক্তিমার্গের সময়কাল সম্পূর্ণ হয়েছে । ভক্তির পরে আবার জ্ঞান আসে । এ হোলো পুরোনো দুনিয়া আর সত্যযুগ হোলো নতুন দুনিয়া । সত্যযুগে সূর্যবংশীরা রাজত্ব করতো । নর থেকে নারায়ণ আর নারী থেকে লক্ষ্মী হওয়ার জন্য এ হোলো রাজযোগের শিক্ষা । সত্যযুগে এনাদেরই রাজত্ব ছিলো । এখন কলিযুগের কি নিদারুণ অবস্থা দ্যাখো । এখন তোমরা আবার সত্যযুগে যাবার জন্য এই পড়া পড়ছো । ভক্তিমার্গে যেসব বেদ শাস্ত্র ইত্যাদি পড়েছো, সে সবকিছুই ছাড়তে হবে । জ্ঞান প্রাপ্ত হলে আর ভক্তির দরকার নেই । জ্ঞানের দ্বারাই আমরা এই বিশ্বের মালিক হই । বাবা এসেছেন - ভক্তির ফল দিতে । তাই তিনি তোমাদের এই জ্ঞান শোনাচ্ছেন । তাই এখন আমাদের পতিত থেকে পবিত্র অবশ্যই হতে হবে কারণ পতিত মানুষ তো ঘরে ( পরমধামে ) ফিরে যেতে পারবে না । মুক্তিধামে সমস্ত পবিত্র আত্মারাই থাকে । সুখধামেও সব পবিত্ররাই থাকে । কিন্তু এখন এই কলিযুগে সবাই পতিত । এখন এদের পবিত্র কে বানাতে ? পতিত - পাবন হলেন একমাত্র বাবা । এখন বাবা বলেন আমি এর ( ব্রহ্মার ) অনেক জন্মের শেষ জন্মে আসি । এই দাদা ছিলেন সবথেকে একনম্বর ভক্ত । ব্রহ্মাই বলো আর লক্ষ্মী - নারায়ণের আত্মাই বলো ? এটা খুবই গুহ্য কথা । বিষ্ণুর নাভি থেকে ব্রহ্মা আর ব্রহ্মার নাভি থেকে বিষ্ণু বের হয়েছিলো । বিষ্ণুই ৮৪ জন্মের পর ব্রহ্মা হন । এই কথা কোনো শাস্ত্রেই নেই । ব্রহ্মাবাবাও গীতা পাঠ করতেন । যখন জ্ঞান এলো তিনি দেখলেন , শিববাবাই এই বিশ্বের বাদশাহী দেন । বিষ্ণুর সাক্ষাৎকার হবার পর এই গীতা পাঠও ছেড়ে দিয়েছিলো । বাবা তাঁর মধ্যেই প্রবেশ করেছিলেন । তারপর কোনোদিনও গীতা ছুঁয়েও দেখেন নি । এক বাবাকেই স্মরণ করতেন । ইনি বলেন যে আমিও এই বাবার থেকেই শুনছি । শিববাবা বলতেন - যখন আমি বাচ্চাদের শোনাতাম, ইনিও শুনতেন । এর শরীরে আমি প্রবেশ করেছি তাই এর নাম রাখা হয়েছে অর্জুন । শাস্ত্রে ঘোড়ার রথ দেখানো

হয়েছে । কত তফাৎ । ঘোড়ার গাড়িতে একজনকে বসিয়েই কি জ্ঞান দেওয়া হয়েছিলো ? এখন তোমরা বুঝতে পারো এ কি করে সম্ভব । তোমরা প্রত্যক্ষভাবে দেখছো - বাবা কি করে পড়ান । কতো সেন্টার আছে । তাই পড়ানোর জন্য তো পাঠশালা চাই, অবশ্যই তা যুদ্ধের ময়দান নয় । বাবা রাজযোগ শেখান । সত্যযুগে কোনো শাস্ত্র থাকে না । আমি এখন যে জ্ঞান শোনাচ্ছি, সত্যযুগে এই জ্ঞানের দরকার নেই । পুরোনো দুনিয়ার যা কিছুই আছে সবই ধুলায় মিশে যাবে । এ হলো রাজস্ব অশ্বমেধ যজ্ঞ । অশ্ব এই রথকে ( শরীর ) বলা হয়, এই রথ বা শরীরকেই স্বাহা করতে হবে । আত্মা বাবার হয়ে গেলে এই পুরোনো শরীরও শেষ হয়ে যাবে । কৃষ্ণপুরীতে তোমরা তো এই পুরোনো ছিঃ ছিঃ শরীর নিয়ে যাবে না । আত্মা হলো অমর । হোলিতে দেখানো হয় , মিষ্টি চাপাটি পুড়ে যায় , কিন্তু তার ধাগা (সূতো) পোঁড়ে না । বাবা এখন এই বেহদের কথা বোঝান - এতদিন পর্যন্ত যা তোমরা শুনেছো সে সব ভুলে যাও । এখন ভারত মিথ্যাখণ্ড হয়ে গেছে । পূর্বে এই ভারতই সত্যখণ্ড ছিলো । বাবাই ভারতকে সত্যখণ্ড বানিয়েছিলেন। তারপর রাবণ এই ভারতকে মিথ্যাখণ্ড বানিয়ে দিয়েছে । এই রাবণ হলো সবার পুরোনো শত্রু । কেউ কিছু বললেই মানুষ তার কথায় চলতে শুরু করে । যেমন দিলওয়ারা মন্দিরে আদিদেবের নাম মহাবীর রাখা হয়েছে । মহাবীর হনুমানকে বলা হয়। এখন ভাবো, কোথায় হনুমান আর কোথায় ইনি । এই মন্দির সম্পূর্ণ তোমাদের স্মরণেই তৈরী হয়েছে ওপরে স্বর্গ দেখানো হয়েছে আর নীচে তপস্যা । আদিনাথের মূর্তি গোল্ডেন বানানো হয়েছে । বলা হয় যে - " ভারত একদিন সোনার পাখির তুল্য ছিলো । " ভারতের মত সোনা আর কোথাও ছিলো না । ভারতে সোনার মহল বানানো হতো । মহলের ছাতে বা দেওয়ালে হীরে , জহরত লাগানো থাকতো । মন্দিরেও কতো হীরে , জহরত ছিলো যা লুঠ করা হয়েছিলো । সেগুলো লুঠ করে মসজিদে লাগানো হয়েছিলো । সেইসময় তাহলে এর মূল্য কি ছিলো ? অফুরন্ত ধন ছিলো তাই তো সব লুঠ করে নিয়ে গেছে । এইকথা সবাই জানে যে প্রাচীন ভারত ধনী-সাহকার ছিলো । এখন তা কতো গরীব হয়ে গেছে । গরীবের ওপর সবার দয়া হয় । রাবণ ভারতকে কতোটা অক্ষম বানিয়ে দিয়েছে । বাবা এসে আবার সক্ষম বানান । এ হলো বেহদের নাটক , এর আদি - মধ্য - অন্ত কেউই জানে না । বাবা হলেন জ্ঞানে পূর্ণ । এমন নয় যে বাবা সবার ভিতরে বসে তাদের মনকে দেখতে পান । এই সমস্তকিছুই নাটকে লিপিবদ্ধ আছে । যে পাপ করে সে সাজা তো পাবেই । বাবা বলেন - আমাকে তো মানুষ পূর্ণ জ্ঞানী আর পতিত - পাবন বলেই জানে । মানুষ ডাকতে থাকে - হে বাবা এসো, এসে আমাদের জ্ঞানের আলো দাও । আমাদের পবিত্র বানাও । তাই আমি এসেই এই কাজ করি । বাবা বলেন , বাকি যা শাস্ত্রের কথা সব ভুলে যাও , আর আমি যা বলি সেই কথা শোনো । এখন তোমরা বাবার দ্বারা রাজযোগ শিখছো । এরপর তোমরা সূর্যবংশী হবে । তারপর চন্দ্রবংশী , বৈশ্যবংশী এবং শূদ্রবংশী হবে । এই জ্ঞান অবশ্য তোমাদের বুদ্ধিতে আছে । সত্যযুগে তোমরা আবার এইসব কথা ভুলে যাবে । সেখানে কেউই বাবাকে স্মরণ করে না । বর্সা বা বাবার সম্পত্তি পাওয়া হয়ে গেলে কেনই বা বাবাকে তোমরা স্মরণ করবে । কতো ভালোভাবে এইকথা তোমাদের বুঝিয়ে বলা হয় । এই কথা কিন্তু কোনো শাস্ত্রতে থাকে না । বাবাই হলেন বৃক্ষপতি । বাবা বলেন , আমাকে স্মরণ করো । সৃষ্টিকর্তা একজনই হন, নাকি তিনি নুড়ি - পাথরের মধ্যেও থাকবেন ? বাবা বলেন যে রাবণ তোমাদের বুদ্ধি কতো খারাপ করে দিয়েছে । বড় বড় বিদ্বানদের কতো অহংকার । অথচ বাবাকেই তারা জানে না । না তো এই রচনার আদি -মধ্য -অন্তকে জানে । বাবা বলেন - আমি তোমাদের রাজস্ব দিয়ে গিয়েছিলাম । তোমরা সেইসব ধন দৌলত শেষ করে দিয়েছো , এখন ভিখারী হয়ে গেছো , তাই তোমাদের আসুরী সম্প্রদায় বলা হয় । দ্যাখো , দেবতাদের কতো মহিমা । আবার তোমরাই বলো - আমরা নিগুণ , আমাদের কোনো গুণ নেই । বাচ্চারা, এখন তোমাদের অপগুণগুলি

বের করে গুণ ধারণ করতে হবে। রাবণ তোমাদের বাঁদরের মতো অসভ্য বানিয়ে দিয়েছে। এখন বাবা আবার তোমাদের দেবতা বানাচ্ছেন। যাদের মধ্যে ৫-বিকার আছে তাদের বাঁদর বলা হয়। নারদের মতো তোমাদেরও চরিত্র এখন বদলে যাচ্ছে, যেহেতু এরপর তোমরা দেবতা হবে। এই জ্ঞানসাগরে ডুব লাগিয়ে তোমরা জ্ঞান পরীতে পরিণত হও। সাধারণ মানুষ জলের সরোবরকেই মানস - সরোবর মনে করে নিয়েছে। কিন্তু তা হলো তো জ্ঞান স্নানের বিষয়। বাচ্চারা তো এই কথা জানো যে ৫-হাজার বছর পূর্বের মতো বাবা আমাদের বুঝিয়ে বলছেন, তাই এতে আর কোনো সংশয়ই থাকে না। পতিত - পাবন বাবা আর বিষ্ণুপুরীকে স্মরণ করতে পারলে তোমরা পবিত্র হতে পারবে। মানুষ মুক্তির জন্য কতো মাথা খুঁটতে থাকে, কিন্তু আসল ঘর কোথায় কেউই তা জানে না। কেউ ভাবে আত্মা লীন হয়ে যাবে। আবার কেউ কেউ ভাবে আত্মা দ্বিতীয় শরীর ধারণ করে না। এমন অনেক ভিন্ন ভিন্ন মত আছে। বাবাকে কেউই ঠিকভাবে জানে না। সারা দুনিয়া ভাবে - কৃষ্ণ ভগবান উবাচঃ। কতখানি রাত দিনের ফারাক এই ধারণা। মূল নামটাই একদম বদলে দিয়েছে। আচ্ছা।

মিষ্টি - মিষ্টি বাচ্চারা, এই কথা বাপদাদা দুজনেই বলেন। দুজনেরই তো বাচ্চা আমরা - তাই না? ইনিও (ব্রহ্মা) যেমন ছাত্র, তোমরাও ছাত্র। ইনিও এখন পড়ছেন। যারা যারা ভারতকে পবিত্র বানানোর জন্য সেবাকাজে লেগে থাকে, তারাই বাবার বাচ্চা বলে পরিচিত হয়। আর যারা পবিত্র হয় না, তাদের বাবা দেখেও দেখেন না। বাবা ভাবেন, এরা সাজা খেয়ে এসে বাবুর্চির (রাধুনীর) জীবন পাবে। আর যারা পবিত্র হতে পারে তারা এই বিশ্বের মালিক হতে পারে। আচ্ছা -

মিষ্টি - মিষ্টি হারানিধি (সিকিলধে) বাচ্চাদের প্রতি মাতা - পিতা, বাপদাদার স্মরণ, ভালোবাসা আর সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

- 1) মধুর হওয়ার জন্য মিষ্টি বাবাকে খুব ভালোবাসার সঙ্গে স্মরণ করতে হবে। সত্য বাবার সঙ্গে স্বচ্ছতা বজায় রাখতে হবে। এক বাবার শ্রেষ্ঠ মতেই চলতে হবে।
- 2) পুরুষার্থ করে সম্পূর্ণ হতে হবে। ভারতকে পবিত্র বানানোর সেবা করতে হবে। কোনো বিষয়ে সংশয় রাখা চলবে না।

বরদান :- সংকল্পের ইঙ্গিতে সমস্ত কাজ চালিয়ে সর্বদা লাইটের মুকুটধারী হও।

যেসব বাচ্চারা সর্বদা লাইট থাকে তাদের সংকল্প বা সময় কখনও ব্যর্থ হয় না। যা ঘটবে সেই ধরনের সংকল্পই তাদের মনে উদয় হয়। যেমন কিছু বললে কোনো বিষয় স্পষ্ট হয় তেমনই সংকল্পের দ্বারাই সমস্ত কর্ম চলতে থাকে। যখন তোমরা এই বিধি ব নিয়মকে আপন করে নেবে তখনই তোমাদের কাছে এই সাকার বতন সূক্ষ্ম বতনে পরিবর্তিত হবে। এরজন্য সাইলেন্সের শক্তি জমা করো আর লাইটের মুকুটধারী হও।

স্লোগান :- এই দুঃখের জগত থেকে নিজেকে মুক্ত করতে পারলে এই দুঃখের ঢেউ কোনোদিন  
তোমাদের স্পর্শ করবে না ।